

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA UPRAVU, DRUŠTVENE DJELATNOSTI, MLADE I BORAČKO-INVALIDSKU  
ZAŠTITU

Broj: 05-04-5063/20  
Lukavac, 23.11.2020. godine

Na osnovu člana 64. stav (1). tačka b), člana 28., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), te Preporuke Komisije za provođenje postupka javne nabavke broj: 05-04-5063/20 od 19.11.2020. godine u pregovaračkom postupku bez objave obavještenja o nabavci usluga za rekonstrukciju baze podataka općinskog matičnog registra nakon gubitka podataka usljed djelovanja zlonamjernog softvera (ransomware) za potrebe općine Lukavac, donosi se

**ODLUKU**  
**o izboru najpovoljnijeg ponuđača**

**Član 1.**

Prihvata se preporuka Komisije za provođenje postupka javne nabavke broj: 05-04-5063/20 od 19.11.2020. godine i Ugovor za rekonstrukciju baze podataka općinskog matičnog registra nakon gubitka podataka usljed djelovanja zlonamjernog softvera (ransomware) za potrebe općine Lukavac, dodjeljuje ponuđaču „ITINERIS“ d.o.p. Tuzla, ponuda broj: 07-11-AS-P/2020-01 od 17.11.2020. godine u vrijednosti od 1.500,00KM bez PDV-a, koji je ponudio prihvatljivu ponudu.

**Član 2.**

Ova odluka objavit će se na web-stranici ugovornog organa ([www.lukavac.ba](http://www.lukavac.ba)) istovremeno s upućivanjem ponuđaču koji je učestvovao u postupku javne nabavke, u skladu sa članom 70.stav (6) Zakona o javnim nabavkama.

**Član 3.**

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

**O b r a z l o ž e n j e**

Općina Lukavac-Služba za upravu, društvene djelatnosti, mlade i boračko-invalidsku zaštitu je u skladu sa Odukom o pokretanju postupka javne nabavke broj: 05-02-5062/20 od 30.09.2020. godine pokrenula pregovarački postupak bez objave obavještenja o nabavci u skladu sa članom 21. stav (1) tačka (c) Zakona o javnim nabavkama sa ponuđačem „ITINERIS“ d.o.o Tuzla, te tendersku dokumentaciju dostavila ponuđaču „ITINERIS“ d.o.o Tuzla.

U skladu sa članom 28. stav (4) Zakona o javnim nabavkama, ugovorni organ je na svojoj internet stranici [www.lukavac.ba](http://www.lukavac.ba) postavio informaciju da ima namjeru provesti pregovarački postupak bez objave obavještenja o nabavci usluga za rekonstrukciju baze podataka općinskog matičnog registra nakon gubitka podataka usljed djelovanja zlonamjernog softvera (ransomware) za potrebe općine Lukavac.

Ponuđač „ITINERIS“ d.o.o Tuzla je do termina predviđenog za dostavu zahtjeva za učešće dostavio svoj zahtjev za učešće, a potom je do termina predviđenog za predaju početnih ponuda dostavio svoju početnu ponudu. Komisija za provođenje postupka nabavke imenovana Rješenjem broj: 02-04-19-42/20 od 07.10.2020. godine je pregledala i ocjenila kao kvalifikovan zahtjev za učešće ponuđača „ITINERIS“ d.o.o Tuzla, nakon čega je ugovorni organ uputio ponuđaču

„ITINERIS“ d.o.o Tuzla zahtjev za dostavu početne ponude i istog pozvao na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da ponuda zadovoljava sve zadate kriterije u tenderskoj dokumentaciji, da je prihvatljiva za ugovorni organ i dala prijedlog ugovornom organu da ugovor za rekonstrukciju baze podataka općinskog matičnog registra nakon gubitka podataka usljed djelovanja zlonamjernog softvera (ransomware) za potrebe općine Lukavac u vrijednosti od 1.500,00 KM bez PDV-a dodjeli ponuđaču „ITINERIS“ d.o.o Tuzla, jer je dostavio prihvatljivu ponudu.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana objave dobrovoljnog ex ante obavještenja o transparentnosti.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac-Služba za upravu, društvene djelatnosti, mlade i boračko-invalidsku zaštitu, Trg Slobode 1, 75300 Lukavac.

Žalba se podnosi u najmanje tri primjerka.



PO OVLASTENJU OPĆINSKOG NAČELNIKA  
SEKRETAR JEDINSTVENOG ORGANA UPRAVE  
(ovlaštenje broj: 02-30-1856/20 od 04.03.2020. godine)  
Enes Numanović, dipl.pravnik

**Dostaviti:**

1. „ITINERIS“ d.o.o Tuzla;
2. Arhivi.